

ხელშეკრულება № 25 / 2

ქ. თბილისი

1 მარტი, 2016 წელი

## 1. ხელშეკრულების დამდები მხარეები.

წინამდებარე ხელშეკრულება დადებულია:

ერთის მხრივ: ამბროლაურის მუნიციპალიტეტი, წარმოდგენილი გამგებლის, მალხაზ ლომთაძის სახით (საიდენტიფიკაციო კოდი 222937464, მისამართი: ქ. ამბროლაური, თამარ მეფის ქ N 1), შემდგომში „გამგეობა“,

მეორეს მხრივ: საქართველოს წითელი ჯვრის საზოგადოება (მის: ქ. თბილისი, კახიძის ქ. 15) საიდენტიფიკაციო კოდი 202051536, წარმოდგენილი მისი გენერალური მდივნის მედეა მარდანია-ავალიანის სახით (შემდგომში „საზოგადოება“), ესარგებლობთ რა ჩვენს შორის 2015 წლის 29 აპრილს გაფორმებული მემორანდუმით მონიჭებული უფლებამოსილებებით \* ვდებთ წინამდებარე ხელშეკრულებას შემდეგზე:

## 2. ხელშეკრულების საგანი

2.1 ხელშეკრულების საგანს წარმოადგენს:

2.1.1 გამგეობასა და საზოგადოებას შორის გაფორმებული 2015 წლის 29 აპრილის მემორანდუმის საფუძველზე პროგრამის, „ამბროლაურის მუნიციპალიტეტში კატასტროფებისადმი მედეგი თემების განვითარება“, განხორციელების მიზნით 3-400 (სამიათას ოთხასი ლარი და 00 თეთრი) ლარის გამოყოფა. დაფინანსება განხორციელდება ორ ეტაპად.

2.1.2 წინამდებარე ხელშეკრულების დადების საფუძველია გამგეობასა და საზოგადოებას შორის გაფორმებული 2015 წლის 29 აპრილის მემორანდუმი.

2.1.3 წინამდებარე ხელშეკრულების 2.1.1 პუნქტში მოხსენებული თანხის მოძიებასა და გამოყოფაზე სრულად პასუხისმგებელია გამგეობა.



### 3. მხარეთა უფლება-მოვალეობანი

4.1 მხარეები უფლებამოსილნი არიან:

ა) მოითხოვონ ხელშეკრულებით ნაკისრი ვალდებულებების სრულად და ჯეროვნად შესრულება.

ბ) მონიტორინგი გაუწიონ წინამდებარე ხელშეკრულებით გათვალისწინებული თანხის ხარჯვას

3.2 მხარეები ვალდებულები არიან:

ა) დროულად და წერილობით აცნობონ ერთმანეთს ხელშეკრულების პირობების შესრულებისას მოსალოდნელი შეფერხებების შესახებ.

ბ) ჯეროვნად დაიცვან წინამდებარე ხელშეკრულებით ნაკისრი ვალდებულებები.

### 4. მონიტორინგის პირობები

4.1 ხელშეკრულებით გათვალისწინებული პირობების შესრულებას მონიტორინგს უწევნ გამგეობა და საზოგადოება ერთობლივად.

4.2 მონიტორინგი გულისხმობს მხარეების უფლებას, შეამოწმონ ხელშეკრულების საგნით გათვალისწინებული ვალდებულებების მიმდინარეობა მხარეების მიერ სპეციალურად ამისათვის უფლებამოსილი წარმომადგენლის მეშვეობით.

### 5. ხელშეკრულებაში ცვლილებების შეტანა.

5.1 ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

5.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

5.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით რომელიც ჩაითვლება ხელშეკრულების განუყოფელ ნაწილად.



## 6. უფლებების გადაცემა

6.1 საზოგადოებას არა აქვს უფლება გამგეობის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება მოვალეობანი.

## 7. სუბ-კონტრაქტორები

7.1 იმ შემთხვევაში, თუ სუბ-კონტრაქტორის დადების ან სუბ-კონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, საზოგადოებამ წერილობით უნდა აცნობოს გამგეობას ზემოაღნიშნულის შესახებ და მიიღოს მისგან წერილობითი თანხმობა.

7.3 ამ ხელშეკრულების ფარგლებში დადებული არცერთი სუბ-კონტრაქტი არ ათავისუფლებს საზოგადოებას ხელშეკრულებით ნაკისრი ვალდებულებებისაგან.

## 8. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეზერება, ხელშეკრულების პირობების შეუსრულებლობა ან დარღვევა არ გამოიწვევს საჯარიმო სანქციების გამოყენებას და საზოგადოებისათვის ხელშეკრულების შესრულების გარანტიის დაუბრუნებლობას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებთან და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და გამოინახოს ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.



### 9.დავების გადაწყვეტის წესი

9.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი ოფიციალური მოლაპარაკების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

9.2 თუ გამგეობა და საზოგადოება ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

### 10.სხვა პირობები

10.1 წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2016 წლის 31 დეკემბრამდე.

10.2 ხელშეკრულება შედგენილია ქართულ ენაზე 2 ეგზემპლარად და ორივეს აქვს თანაბარი იურიდიული ძალა.

10.3 თუ წინამდებარე ხელშეკრულების რაიმე პირობა გახდა ბათილი, ეს ვერ მოახდენს გავლენას, მთელი ხელშეკრულების ან მისი ცალკეული პირობების ბათილობაზე, მათ იურიდიულ ძალასა და გამოყენებადობაზე.

### 11.მხარეთა ხელმოწერა

გამგეობა:

საზოგადოება:

ამბროლაურის მუნიციპალიტეტის  
გამგეობა :

საქართველოს წითელი ჯვრის საზოგადოება  
გენერალური მდივანი:

მალხაზ ლომთაძე

მედეა მარღანია-ავალიანი

